

四庫全書

子部

欽定四庫全書

御定淵鑑類函卷三百三十一

巧藝部八

藏鈞  
射覆

四維  
箕

雜技  
象戲

藏鈞一

原荆楚歲時記藏驅之戲辛氏以為鈞弋夫人所起周處成公綏並作驅字藝經庾闡則為鈞字其事同也俗云此戲令人生離有禁忌之家廢不修也辛氏三秦記昭帝母鈞弋夫人手拳而有國色先帝寵之世人藏

鉤法此也 風土記義陽臘日飲祭之後叟嫗兒童為藏鉤之戲分為二曹以校勝負若人偶即敵對人奇即人為遊附或屬上曹或屬下曹名為飛鳥以齊二曹人數一鉤藏在數手中曹人當射知所在一藏為一籌三籌為一都 增採蘭雜志九為陽數古人以二十九日為上九初九日為中九十九日為下九每月十九置酒為婦女之歡名曰陽會蓋女子陰也待陽以成故女子於是夜為藏鉤諸戲以待月明至有忘寐達曙者 原

異苑晉海西公時有貴人會因藏鈎歎有一手間在衆臂之中修骨巨指毛羸色黑舉坐咸驚尋為桓大司馬所誅舊傳藏鈎令人生離斯驗深矣

## 藏鈎二

增臘後

歲前

歲翁子藏鈎賦序余以臘後要命中外以行鈎為戲心悅其事故賦之荆楚

歲時記歲前為藏鈎之戲

分朋

隔坐

西陽雜俎續集列子云以瓦樞者巧以鈎樞者憚以

黃金樞者憚殷敬訓曰樞與樞同衆人分曹手藏物採取之又令藏鈎刺一人則來往於兩朋謂之餓鴟李

商隱詩隔坐送鈎春酒煖分曹射覆蠟燈紅

失志

賞心

孔帖王珣既失志稍自故在州

與官屬小吏擣菹藏鉤為樂 海錄碎事段成式  
詩序云賞心樂事不廢良辰遷燭投鉤必窮永夜 搏

拳

照指

東臯雜錄孔常甫言唐有藏鉤詩云城頭旗  
鼓傳花枝席上搏拳掘松子 西京雜記戚

夫人以百鍊金為環照  
見指骨上惡之以賜侍兒

陳鶴工藏

高映善意

列朝

詩集本傳山陰陳鶴神宇奇秀工諸技藝凡投壺博戲  
酒政闔等一遇興至靡不窮態極巧 兩陽雜俎舉人  
高映善意謳段成式嘗於荊州藏鉤每曹五十餘  
人十中其九映言但意舉止辭色若察囚視盜也

藏鉤三

原賦晉庾闡藏鉤賦曰歎近夜之藏鉤復一時之戲望  
以道生為元帥以子仁為佐相思蒙朧而不啟目炯冷

而不暢多取決於公長乃不咨於大匠鉤運掌而潛流  
手乘虛而密放示微跡而可嫌露疑似之情狀輒爭材  
以先叩各銳志於所向意有往而必乖策靡陳而不喪  
退怨歎於獨見慨相顧於惆悵夜景煥爛流光西驛同  
朋誨其夙退對者催其連射忽攘袂以發奇探意外而  
求迹奇未發而妙待意愈求而累僻疑空拳之可取手  
含珍而不摘督猛炬而增明從因朗而心隔壯顏變成  
哀容神材比為愚策

四維

增文漢徐岳數術記遺藝經云四維東萊子所造也布  
十二時四維之一其文曰天行星紀石隨龍淵風吹羊  
圈天門地連兔居蛇穴馬到猴邊雞飛猪鄉鼠入虎廬  
摯侯亦有四維之戲與此異焉

原賦東晉李秀四維賦并序四維戲者衛尉摯侯所造  
也畫紙為局截木為棊取象一元分而為二准陰陽之  
位擬剛柔之策而變動云為成乎其中賦曰世有哲人

黃中通理探賾索隱開物建始造四維之妙戲邈衆藝  
之特奇畫盈尺之紙局乃擬象乎兩儀立太極之正統  
班五常之列位剛柔異而作配趨舍同而從類或盤紆  
詰屈連延絡繹或間不容息含棊則獲圍成未合驕棊  
先出九道並列專都獨畢

象戲一

原周武帝造象戲 增楊升菴集世傳象經為周武帝  
所製按後周書天和四年帝製象經殿上集百寮講說



隋經籍志象經一卷周武帝撰有王褒注王裕注何妥注又有象經發題義又據小說周武帝象經有日月星辰之象意者以兵機孤虛衝破寓於局間決非今之象戲車馬之類也

象戲二

原序王褒為象經序一曰天文以觀其象天日月星是也二曰地理以法其形地水火金木土是也三曰陰陽以順其本陽數為先本於天陰數為後本於地是也四

曰四時以正其序東方之色青其餘三色例皆如之是也五曰筭數以通其變俯仰則為天地日月星變通則為水火金木土是也六曰律呂以宣其氣在子取未在午取丑是也七曰八卦以定其位至震取兌至離取坎是也八曰忠孝以惇其教出則盡忠入則盡孝是也九曰君臣以事其禮不可以貴凌賤直而為曲不可以卑褻尊隱而無犯是也十曰文武以成其務武論七德文表四教是也十一曰禮義以制其則居上不驕為下盡

敬進退有度可法是也十二曰觀德以考其行定而後  
求義而後取時然後言樂然後笑是也或升進以報德  
義取遷善或黜退以貶過事在懲惡或以沈審為貴正  
其瞻視或以狗齊為功明其糾察得失表於隆替在賤  
必申怠敬彰於勸沮處尊思屈片言崇於拱璧一德踰  
於華袞

原賦周庾信象戲賦曰觀夫造作權輿皇王厥初法凝  
陰於厚德仰冲氣於清虛於是綠簡既開丹局直正理

洞研幾原窮作聖若扣洪鐘如懸明鏡白鳳遙臨黃雲  
高映可以變俗移風可以莅官行政是以局取諸乾仍  
圖上元月輪新滿日暈初圓摸羽林之華蓋寫明堂之  
辟泉坤以為輿剛柔卷舒若方鏡而無影似空城而未  
居促成文之畫亡靈龜之圖馬廐千金之馬符明六甲  
之符於是櫓笏當次依辰就席迴地理於方珪轉天文  
於圓璧分荆山之美玉數藍田之珉石南行赤水之符  
北使玄山之策居東道而龍青出西關而馬白既舒玄

象聊定金枰昭日月之光景乘風雲之性靈取四方之  
正色用五德之相生從月建而左轉起黃鐘而順行陰  
翻則顧兔先出陽變則靈烏獨明况乃豫遊仁壽行樂  
徽音水影搖日花光照林乍披圖而久玩或開經而熟  
尋雖復成之於手終須得之於心乃有龍燭銜花金爐  
浮氣月落桂垂星斜柳墜猶豫樞機嫌疑涇渭顧望迴  
惑心情怖畏應對坎而衝離忽當申而取未

射覆一

增韓非子人有設桓公隱者曰一難二難三難何也桓公不能射以告管仲 原漢書東方朔傳武帝嘗使數家射覆置守宮孟下射之皆不中朔請射之廼扞著布卦而對曰臣以為龍又無角謂之為蛇又有足跂跂脈脈善緣壁是非守宮即蜥蜴上曰善賜帛十疋復使射他物連中輒賜帛郭舍人曰朔幸中耳非至數也臣願令朔覆射中之臣榜百不中臣賜帛廼覆樹上寄生令朔射之曰窶藪也舍人曰果知朔不能中也朔曰著樹

為寄生盆下為窠數上令榜舍人 魏志管輅傳新興

太守諸葛原取燕卵蠶窠黿鼉著器中使射覆卦成輅  
曰第一物含氣須變依乎宇堂雄雌以形翅翼舒張此  
燕卵也第二物家室倒懸門戶衆多藏精育毒得秋乃  
化此蠶窠也第三物鰕鯨長足吐絲成羅尋網求食利  
在昏夜此黿鼉也又平原太守劉邠取印囊及山鷄毛  
著器中使射輅曰內方外圓五色成文含寶守信出則  
有章此印囊也高岳巖巖有鳥朱身羽翼玄黃鳴不失

晨此山雞毛也又清河令徐季龍取十三種物著大篋  
中使輅射云器中籍籍有十三種物先說雞子後道蠶  
蛹遂一一名之惟以梳為篋耳 梁元帝洞林序河東

郭生纔能射覆案郭生郭璞也 白帖宋蔡鐵善卜劉

義宣射一白鼠置函中召鐵使卜兆成笑曰具已知矣

劉曰狀之鐵曰兇色之鼠背明戶彎弧射之絕左股鼠  
孕三雄而兩雌若不見信剖腹而立知公乃使剖腹皆  
如鐵言遂賜錢一萬 增玉壺清話趙晉公在中書聞



丁文果善射覆召至函一物令射之文果書四句云太歲當頭坐諸神列兩旁其中有一物猶帶洞庭香發函視之乃用歷日第一幅裹綠橘一枚也

射覆二

原測隱

索隱

增指大將

知名僧

元史世祖獵於柳林御幄殿侍

臣甚衆顧田忠良曰今拜一大將取江南朕心已定果何人耶忠良環視左右目一人對曰是偉丈夫可屬大事帝笑曰此巴延也為西王錫里庫使朕以其才留用之汝識朕心賜鈔五百貫衣一襲又曰太保劉秉忠薦田忠良於世祖遣使召問曰朕有事縈心汝試占之對曰當是一名僧病耳帝曰然國師也

上皇

默識 高祖大笑

龍城錄上皇始平禍亂在宮所與道士馮存澄因射覆得卦曰合因又得

卦曰斬關又得卦曰鑄印乘軒存澄射曰昔此卦三靈為最善黃帝勝炎帝而筮得之所謂合因斬關乘軒始

當具斷終得嗣天上皇掩其口曰止默識之矣即位應其術焉 江盈科談言北齊高祖嘗宴近臣為樂高祖

曰我與汝等作謎可共射之卒律葛答諸人皆射不得石動筭云臣已射得莫是煎餅高祖笑曰是也汝等更

作一謎我為汝射之動筭作謎卒律葛答高祖俱射不得問是何物荅曰是煎餅高祖曰何故更作動筭云乘

大家熱鑄子再作一箇高祖大笑

金盆白鵲 赤鈴元珠

杜陽雜編羅浮先生

軒轅集善射覆嬪御取金盆覆白鵲以試之集方休於所舍忽起謂中貴人曰皇帝安能更令老夫射覆盆乎

中貴皆不喻其言於時上召令速至纔及玉階謂上曰盆下白鵲宜早放之上笑 海錄碎事有以茱萸令郭

璞射之者璞曰子如赤鈴  
舍元珠案文言云是菜莢

混沌方明

隱伏必中

山

肆考有人將雞子二枚令葉簡占之占云此物不難知  
一雄一雌請將打破看方明混沌時潛確類書趙

達治九宮一箕之術用意精  
密計飛蝗射隱伏無不中

客師射鼠

文景射蜂

山堂肆考唐表客師天罡子也高祖置一鼠於奩令術  
家射之皆曰鼠客師曰然入則一出則四發之鼠生三  
子又曰丁文景覆射蜂曰薊薊華華山  
中採花雖無官職一日兩衙啟之果蜂也

不石即玉

似珠如丹

又曰太宗取一物令文景射文景云有頭  
有足不石即玉欲要縮頭不能入腹乃壓

書石龜也  
曰圓似珠色

葆光錄刻人葉簡有人將橘子合之令占  
如丹倘能擘破同分喫爭不慙愧洞庭山

得物手中

取名器中

元史田忠良字正卿通儒家  
雜家言世祖遣使召至指西

序第二人曰彼手中握何物對曰雞卵也果然帝喜  
唐書李景讓傳蔣仲輔政景讓名素出仲右宣宗擇相  
盡書羣臣當選者以名內器中禱憲  
宗神御前射取之而景讓名不得

### 四公言驗 九

疇術精

唐張說梁四公記梁天監中有蜀閬鸞杰麤端  
仇腎四公謁武帝見之甚悅因令沈隱侯約作

覆射將與百僚共射之時太史適獲一鼠約絨之以獻  
帝筮之遇蹇之噬嗑帝占成曰先蹇後噬嗑是其時內  
艮外坎是其象坎為盜其鼠也居蹇之初動而見噬其  
拘繫矣噬嗑六爻四无咎一利艱貞非盜之事上九何  
校滅耳凶是因盜獲戾必死鼠也帝自矜其中頗有喜  
色次啓闕公占曰時日旺相必生鼠矣且陰陽晦而入  
文明從靜止而之震動失其性必就擒矣金盛之月制  
之必金子為鼠辰與艮合體坎為盜又為隱伏隱伏為  
盜是必生鼠也金數於四其鼠必四離為文明南方之  
卦日中則昃况陰類乎晉之繇曰死如棄如寔其事也

日歛必死既見生鼠百僚失色而尤閻公曰占辭有四  
今者惟一何也公曰請剖之帝性不好殺自恨不中至  
日畏鼠死矣因令剖之果姪三子金史麻九疇因經  
義學易後喜邵堯夫皇極書因學算數又喜卜筮射覆  
術之

算一

增易大衍之數五十天數二十有五地數三十凡天地  
之數五十有五此所以成變化而行鬼神也 周禮保  
氏養國子以道乃教之六藝六曰九數注數即九章算術 漢

書律厯志數者一十百千萬也所以算數事物慎性命

之理也 內經恍惚之數生於毫釐毫釐之數起於度量千之萬之可以益大 說文算長六寸計歷數者也風俗通夫數一為特侯奇隻二為再兩偶雙三為參四為乘 一行算法萬萬穰為載數之極矣或問何以數之為載按孫子算經云古者積錢上至於天天不能容下至於地地不能載天不能蓋地不能載故名曰載算經問度之起起於何荅曰度之起起於忽忽者神蟲口中吐絲名也十忽為絲十絲為毫又曰量之起起

於何荅曰量之起起於粟是陰陽所生從六甲而出故  
六粟為圭十圭為杪又曰秤之起起於何荅曰秤之起  
起於黍黍是三稜草子也十黍為絁十絁為銖 鶴林  
玉露蔡西山云數窮於九九者究也至十則又為一矣  
正字通宋祖沖之有度量竿法皆本勾股重差為  
乘除勾股窮而有立表立表窮而有重表長短輕重高  
下皆可按法求之 喻林劉子專學篇云隸首天下之  
善算也有鳴鴻過者彎弧擬之將發未發之間問以三

五則不知也非三五難算意有暴昧鴻亂之也 明從  
信錄洪武初定科舉格中式後十日以騎射書算厯五  
事試之 紀事本末主事鄭善夫言漢宋以來皆設算  
學與儒藝同科稱四門博士

## 算二

增算經易稱太極是生兩儀數之先也自隸首作術容  
成造厯算法斯興 說苑齊桓公設庭燎以待士期年  
而士不至於是東野鄙人有以九九之術見者桓公曰



九九何足以見乎鄙人對曰臣非以九九為足以見也  
九九薄能耳而君猶見之况賢於九九乎桓公曰善

楊升菴集范子有計然其人姓辛名文子因其善計算  
而精研故號曰計然 漢書張蒼明習天下圖書計籍  
又善算律歷故令蒼以列侯居相府領主郡國上計者  
又曰上方與晁錯調兵算單食 海錄碎事漢武帝

元狩四年孔僅為大農丞桑宏羊以計算二人言利事  
析秋毫 漢書宣帝時大司農丞耿壽昌以善算得幸

於上 西京雜記安定嵩真明筭術嘗曰北邙青隴上

孤櫬之西四丈所鑿之八七尺吾欲葬此地及真死依  
言往掘得古時空槨即以葬焉 魏書有仙人咸公興

傭賃寇謙之家為其開舍南棘田謙之坐樹下算興時  
來看後謙之算七曜有所不了惘然自失興曰先生何  
為不懌謙之曰我學算累年而近算周髀不合以此自  
愧興曰先生試隨興語布之俄然便決謙之歎服不測  
請師事之 唐書李淳風幼秀爽通羣書明步天歷算

又曰太子少詹事邊岡用算極巧能馳騁反覆於乘除間 又曰劉晏每朝謁馬上猶以鞭算 酉陽雜俎  
僧一行博覽無不知尤善於數鉤深藏往當時學者莫能測 又曰邢和璞偏得黃老之道善心算 宋史邵  
雍號康節受數學於穆修淵源於麻衣道者遂著皇極經世書若干卷窮天地始終之數 又曰王延範性豪  
率尚氣尤好術數有徐肇為推九宮算法得八少一佯驚起曰君侯大貴當如江南李國主耳 齊東野語沈

仲存云近世精於律者莫如衛朴古今日月食但口誦

乘除不差一算 夢溪筆談淮南人衛朴精於歷術大

乘除皆不下照位運籌如飛人眼不能逐有故移一算

者朴自上至下手尋一徧至移算處則撥正而去 鶴

林玉露有日者謁黃直卿言善算星數知人禍福直卿

曰吾亦有箇大算數書曰惠廸吉從逆凶作善降之百

祥作不善降之百殃此箇數亘古今不差豈不優於子

之算數乎 陳善捫蝨新語予兄慶長素曉易予從問

大衍之數虛一不用當其不用一歸何處慶長舉起算

子一把良久笑云甚處去耶此亦有理 金史武禎深

曉數學其占如響子亢得父術嘗與一學生終日相對

握籌布畫目炯炯若有所營見者莫測也 元史蕭𣎵

博極羣書凡天文地理律歷算數靡不研究 又曰至

元間初立太史局治歷皆司天臺子太史王恂問以算

數莫能對獨齊履謙隨問隨答恂大奇之 明從信錄

博士元統奏言郭伯玉精明九數願徵令推算以宣昭

# 一代之制

## 箕三

原席豆

困米

吳趙達或使箕小豆取數斗播席上達計之覆驗果信曹元理漢成帝時人

其友人陳廣漢嘗曰吾有二困米忘其數子為計之元理以食筋各十餘轉曰東園七百四十九石二升七合西園六百九十七石八斗後出米西園六百九十七石七斗九升中有一鼠大堪一升東園不差圭合元理曰遂不知鼠之殊米不如剝面皮矣

書壽

知終

安定嵩真成帝時人嘗自箕其壽七十三

綏和元年正月二十五日脯時死書其辭以記之至二十四日脯時死其妻曰見真箕時長下一箕欲以告之慮脫有旨故不敢言今果校一日趙達引箕自歎曰吾箕訖矣妻聞而哭達彌妻意乃曰向者誤謬耳果如

期而終

善計

善射

莊子善計不用  
籌算下詳後

增算位

針鋒

數術記遺注運籌算迴游於手掌之間數從食指上節間為一位第二節間為十位第三節間為百位至中指

上節間為千位中節間為萬位下節間為十萬位無名指上節間為百萬位中為千萬位下為億也餘皆倣此

又曰八卦算法用一針鋒所指以定算位指正南離為一西南坤為二正西兌為三西北乾為四正北坎為

五東北艮為六正東震為七東南巽為八至九位闕即在中央豎而指天故曰針刺八方位闕從天也

十等

九道

數術記遺黃帝為法數有十等及其用也乃有三馬十等者億兆京垓秭壤溝澗正

載三等者謂上中下也又曰太乙算太乙之行去來九道

神算

心算

張說大衍歷序

振古未探之象必發揮於神算潘岳楊荊州誄曰目睇毫末心算無垠

成算

轉算

楊炯

渾天儀賦倘隸首重生亦不能成其算  
張說開元正歷頌修德增祚與天無窮轉算之徒莫能究也

量竿

校籌

上見算一五車韻瑞蜀何祇使人校籌祇聽其讀而心計之不差升合

原

射隱伏

算虛數

趙達治九宮一算之術用意精密計飛蝗射隱伏無不中又有書於簡

上作千萬數著空倉中封之今達算之亦知其數目

數甲子

算圖緯

傳絳縣老人曰

臣生之歲正月甲子朔四百四十五甲子矣其年於今三之一也史趙曰亥有二首六身下二如身是其日數也士文伯曰然則二萬六千六百有六旬也鄭康成事馬融融考圖緯令康成算數曰鄭生東去吾道東矣

增備於六

起於一

賈誼書數度之道以六為法數一度之始始於微細有形之物莫

細於毫是故立一毫以為度十毫為髮十髮為釐十釐為分十分為寸十寸為尺備於六故先王以為天下用



也 尹文子曰數十百千萬億億萬  
千百十皆起於一推之億億無差矣

主籍簿 算基

局

唐書楊國忠專主籍簿計算鉤畫分銖不爽 夢溪  
筆談唐僧一行曾算基局都數千變萬化不出數基

之局 盡之

窺海島

指青丘

宋祖冲之有窺望海島法丘  
山海經帝令豎亥步自東極

至於西極五億二萬九千八百里八十步豎亥  
右手把算左手指青丘曰五萬九千八百里

始庖犧

祖黃帝

正字通周髀算經二卷趙君卿注始庖犧氏  
周公受於大夫商高以九數勾股重差算日

月周天行度遠近之數 宋史徽宗時置算學議所祖  
或以孔子贊易知數徐處仁言仲尼之道無所不備黃

帝迎日推策數之  
始也祖黃帝為宜

原辟下美酒

俎上蒸肫

趙達如  
故人家

食畢主人曰乏嘉肴無以敘意達因取雙箸再三縱橫  
曰君東辟下有美酒一斛鹿肉三斤主人慙曰以卿喜

射故相試耳 陳廣漢為曹元理取酒鹿脯數片元理復算曰此資業之廣何供饋之禍耶廣漢慙曰有倉卒客無倉卒主人元理曰俎上蒸肫一頭廚中荔枝一盤皆可為設廣漢再拜謝罪自入取之盡日為歡其術後傳南季季傳項瑄瑄傳子陸 歷算小學 元算數書皆得其分數而失玄妙焉

漢平紀徵天下歷算小學所在為駕一封遣詣京師教授注一封乘一馬 孫騰少師事趙達許敬之數矣他日齋酒拜跪請之達曰先人得此術圖為帝王師而三代不過太史郎誠不欲復傳之吾術微妙頭乘尾除元算之法父子不相語今真相授乃出素書二卷曰吾久不看暫尋一徧數日當與後誑言失之也 心

計成數

屈指發疑

桑宏羊心計成數謂不用籌也吳顧譚字子默省簿書未嘗下算

籌徒屈指心計盡發疑謬人皆服之

升合不差

毫釐靡失

增迴算

帷幙 布算院庭

吳志孫權行師征伐每令趙達有所推步皆如其言嘗笑謂諸星氣風術

者曰當迴算帷幙不出戶牖以知天道而反晝夜暴露以望氛祥不亦難乎 唐書僧一行姓張公謹之後也

初求訪師資以窮大術至天台山國清寺見一院古松十數門有流水一行立於門屏間院僧於庭布算謂

其徒曰今日當有弟子自遠求吾算法已合到門即除一算曰門前水當却西流弟子亦至一行承其言而趨

入盡授其術 水果亦西流 隸首九章 商鞅三術 九章算法一曰

畛域二曰粟米以御交質變易三曰衰分以御貴賤粟稅四曰少廣以御積累方圓五曰商功以御功程積實

六曰均輸以御遠近勞費七曰盈朒以御隱雜互見八曰方程以御錯操正負九曰勾股以御高深廣遠 史

記自秦孝公時商鞅獻三術內一開道阡陌以五尺為步二百四十為畝

王恂名著祖

晬藝精

元史王恂以算術著名裕宗嘗問焉恂曰算數六藝之一定國家安人民乃大事也顏氏家

訓算術亦是六藝要事自古儒士皆學通之然可以兼明不可以專業江南此學殊少惟范陽祖暅精之河北

多曉此術

生變靡盡

循環無窮

數術記遺五行算以生又曰

數之為用言重則變以小兼大又加循環循環之理豈有窮乎

始於積微

終於大

行

數術記遺不辨積微之為量詎曉百億又曰從億至載終於大衍

率羨要會

補虧就盈

史皇帝命隸首作數以率其羨要其會律度量衡由是而成夢溪筆談算術多門

如求一上驅搭因重因之類皆不離乘除惟增成一法却不用乘除但補虧就盈而已

控帶四

時經緯三才

數術記遺注珠算刻板為三分其上下二分以停游珠中間一分以定算位位

各五珠上一珠與下四珠色別其上別色之珠當其下  
四珠珠各當一至下四珠所領故云控帶四時其珠游  
於三方之中故云經緯三才也

環矩合矩 立表重表

周髀算經環矩以為圓合

矩以為方

下見算一

依五行之色 合六爻之變

數術記遺注九宮守

一位依行色者依五行之色北方水色黑數一東方木  
色青數三南方火色赤數二西方金色白數四中央土  
色黃數五

魏劉徽九章算經序庖犧氏始畫八卦作九九之術以合六爻之變

原採越人

之餘策 持晉相之牙籌 該天地而總隱陽 測鬼

神而知造化 增紀衆理而敘羣倫 入幽微而致深

遠

趙君卿勾股方圓圖注觀其迭相規矩共為反覆互與通分各有所得然則統敘羣倫宏紀衆理貫幽入

微鈞深致遠故曰其裁制萬物惟所為之也

## 算四

增黃帝三數

夏侯陽算經序黃帝定三數為十等隸首因以著九章

算博士

海錄

碎事略竇王詩好以數對如秦地重關一百二漢家離宮三十六之類號算博士

僧泓善算

和海張敬之則天時每思唐德唯以祿仕謂子冠宗曰吾累官至春卿侍郎當入三品子弟將通由歷於天官有僧泓者善陰陽算術謂敬之曰六郎無煩求三品敬之曰弟子無所求勵此兒子耳

折除法

崇文總目唐僧一行擴首載術括一百三十五言撮一位算法精妙之旨復有算法五章並以折除之法

一算術

又曰唐江本撰三位乘除法位算法二卷以一位因折進退作一算術九篇頗為簡約

鐵冠奇中

從信錄鐵冠道人張中曾遇異人授以太極數學太祖聞豫章受圍問何日圍解中曰當

在七月丙戌暨報至乃乙酉蓋日官箕歷是月差一日實在丙戌解去其他奇中類此

算五

增序宋鮑澣之周髀算經序周髀算經二卷古蓋天之學也以勾股之法度天地之高厚推日月之運行而得其度數其書出於商周之間自周公受之於商高周人志之謂之周髀其所從來遠矣隋書經籍志有周髀一卷趙嬰注周髀一卷甄鸞重述而唐之藝文志天文類

有趙嬰注周髀一卷甄鸞注周髀一卷其歷算類仍有  
李淳風注周髀算經二卷本此一書耳至於本朝崇文  
總目與夫中興館閣書目皆有周髀算經二卷云趙君  
卿述甄鸞重述李淳風等注釋趙君卿名爽君卿其字  
也如是則在唐以前則有趙嬰之注而本朝以來則是  
趙爽之本所記不同意者趙嬰趙爽止是一人豈其字  
文相類轉寫之誤耶然亦當以隋唐之書為正可也又  
崇文總目及李籍周髀音義皆云趙君卿不詳何代人



今以序文考之有曰渾天有靈憲之文蓋天有周髀之法靈憲乃張衡之所作實後漢安順之世而甄鸞之重述者乃是解釋君卿之所注出於宇文周之世以此推之則君卿者其亦魏晉之間人乎若夫乘勾股朱黃之實立倍差減并之術以盡開方之妙百世之下莫之可易則君卿者誠算學之宗師也

增題詞明沈士龍周髀題詞曰始讀周髀輒駭其艱怪及再一尋討不過乘方圓參兩以生勾股遂至於算數

所不可及蓋亦因天地自然之數耳故其書稱榮方學  
於陳子至畢思驚神卒無所用其智乃知謂天蓋高固  
可坐而定者不誣也

雜技一

增說文技巧也 廣韻藝也又方術也 泰誓作奇技  
淫巧 大學序百家衆技之流 左傳小人伐其技以  
憑君子 莊子騏驎驪騮一日而馳千里捕鼠不如狸  
狌言殊技也 荀子螭蛇無足而飛鼯鼠五技而窮

記纂淵海百戲起於秦漢有走丸跳劍戲車山車興雲  
動雷跟挂腹旋吞刀履索吐火激水轉石嗽霧扛鼎象  
人怪獸舍利之戲 史記貨殖傳洒削薄技也而郅氏  
鼎食 揚子通天地而不通人曰技 後漢書桓譚傳  
小力技數之人 班固賓戲離婁眇目於毫分逢蒙絕  
技於弧矢班輸攢巧於斧斤 文中子規矩繩墨者巧  
之具

雜技二

增晉王子年拾遺記成王即政七年南陸之南有扶婁之國其人善能機巧變化易形改服大則興雲起霧小則入於纖毫之裏綴金玉毛羽為衣裳吐雲噴火鼓腹如雷霆之聲或化為犀象獅子龍蛇犬馬之狀或變為虎兕或口吐人於掌中備百戲之樂宛轉屈曲於指間見人形或長數分或復數寸神怪歛忽銜麗於時綱目按列子記周穆王時巧人有偃師者為木人能歌舞王與盛姬觀之舞既終木人瞬目以手招王左右王怒

欲斬偃師偃師懼壞之皆丹墨膠漆之所為也 莊子

桓公讀書於堂上輪扁斲輪於堂下釋椎鑿而問桓公  
曰敢問君之所讀何言耶公曰聖人之言也曰聖人在  
乎公曰已死矣曰然則君之所讀者古人之糟粕也桓  
公曰寡人讀書輪扁安得議乎有說則可無說則死輪  
扁曰斲輪徐則甘而不固疾則苦而不入不疾不徐得  
之於手應之於心口不能言有數存於其間臣不能喻  
臣之子臣之子亦不能受之於臣矣 拾遺記靈王二

十三年有萇宏能招致神異忽見二人乘雲而至王迎之上席時大旱地裂木然一人先唱能為雪霜引氣一噴則雲起雪飛宮中池井堅冰可琢一人唱能使即席為炎乃以指彈席上而暄風入室裘褐皆棄於臺下容成子諫曰大王以天下為家而染異術使變夏改寒以誣百姓文武周公之所不取也王乃疎萇宏而求正諫之士 太平廣記魯班燉煌人莫詳年代巧倖造化於凉州造浮圖作木鳶每擊楔三下乘之以歸 文苑彙

雋宋人有為其君以玉為楮葉三年而成雜之楮葉中  
不辨列子曰使造化三年而成一葉物之有葉者鮮矣

漢書衛綰以戲車為郎事文帝

注若今弄車之技

又曰武

帝作巴俞都盧海中磬極曼衍魚龍角觝之戲

注海中磬極樂

名曼衍獸名似狸而小假作獸以戲也

典畧魏明帝使博士馬鈞作水

轉百戲巨獸魚龍弄馬列騎如漢西京故事 鄴中記

走馬或在馬脇或在馬頭或在馬尾走如故名為猿騎

教坊記上於天津橋設帳殿酺三日教坊一小兒筋

斗絕倫乃衣以繒絲梳洗雜於內伎中少頃緣長竿倒立尋復去手久之垂手翻身而下中使宣旨云此伎尤難近方教成蓋欲以矜異而其實小兒也 艷異編唐

開元中數勅賜州縣大酺嘉興縣以百戲與盜司競勝直獄者語於獄中云我等但一事可觀即獲財利歎無能耳一囚曰吾解繩技吏白於監主主召問曰繩技人常也又何足異乎囚曰衆人繩技各繫兩頭然後於其上行走周旋某只消一條繩粗細如指五十尺不用繫



著拋向空中騰躑反覆無所不為矣官大驚悅明日吏  
領至戲場此人捧一團繩計百尺餘置諸地將一頭手  
擲空中初拋二三尺次四五丈仰直如人牽之衆大驚  
異後乃拋高二十餘丈仰空不見端緒此人隨繩運手  
尋身足離地拋繩虛空其勢如鳥旁飛遠颺望空而去  
脫身犴狴在此日焉 唐陳鴻祖東城老父傳明皇出  
遊見賈昌弄木鷄於雲龍門道旁召入為雞坊五百小  
兒長每千秋節萬樂具舉昌冠雕翠金華冠錦袖繡襦

袴執鐸拂導羣雞敘立於廣場顧盼如神指揮風生樹  
毛振翼礪吻磨距抑怒待勝進退有期隨鞭指低昂不  
失節度 鴻書唐穆宗時韓志和於上前出一柏木合  
方數寸中有物名蠅虎子不啻一二百焉其形皆赤乃  
分為五隊令舞涼州上召樂工以舉其曲而虎子盤旋  
宛轉無不中節每遇致詞處則隱隱如蠅聲及曲終累  
累而退若有尊卑等級志和臂虎子令於上前獵蠅於  
數步之內如鷗捕雀罕有不獲者 唐蘇鶚杜陽雜編

上降日大張音樂集天下百戲於殿前時有妓女石火  
胡本幽州人也挈養女五人纔八九歲於百尺竿上張  
弓弦五條令五女各居一條之上衣五色衣執戟持戈  
舞破陣樂曲俯仰去來越節如飛是時觀者目眩心怯  
火胡立於十重朱畫牀子上令諸女迭踏以至半空手  
中皆執五綵小幟牀子大者始一尺餘俄而手足齊舉  
為之踏渾脫歌呼抑揚若履平地上賜物甚厚文宗即  
位惡其太險傷神遂不復作 五代史唐莊宗少好角

觥嘗與王郁較而屢勝頗以自矜因顧李存賢曰能勝  
我當與一鎮存賢搏而勝之莊宗病篤顧存賢曰角觥  
之勝吾不食言即以為盧龍節度使 會要淳化三年  
幸金明池觀水嬉命為競渡之戲擲金甌於波間俾軍  
人撒波爭取之 事文類聚工部尚書段綸奏召巧工  
楊思齊上令試之綸使先造傀儡上曰得巧工庶供國  
事卿令先造器具豈百工相戒毋作淫巧之意耶乃削  
綸籍 遼史耶律托卜嘉以善擊鞠幸於上凡馳騁鞠

不離杖 金史世宗擊毬常武殿司天馬貴中諫曰陛下春秋高圍獵擊毬危事也宜悉罷之上曰朕以示習武耳 馬觀瀛涯勝覽自蘇門答刺西北行至榜葛刺國有陰陽醫卜百工技藝其餘百戲或以鐵索繫虎行市及至人家則解索坐虎於庭裸而搏虎虎怒交撲仆虎數回乃已或投手入虎喉虎亦不傷其家必啖虎以肉勞其人以錢蓋虎戲以需財也 從信錄歙人汪宗孝好拳捷之戲緣壁行如平地躍而騎屋瓦無聲已更

自簷下屹立不加於色偃二丈竹水上驅童子過之皆  
股戰則身先往數十過已復驅童子從之諸鼓舞木熙  
跳丸飛劍之屬見之赧然自廢也

### 雜技三

原燕戲 鼠市

列子蘭子能燕戲者復于宋元君元君  
大怒曰昔有異技于寡人技無庸適值

寡人有歡心故賜金帛今而復望吾賞拘而擬戮之經  
月乃放 晉陽秋衡陽區紙者甚有巧思造木室作鼠  
市於中四方丈餘有四門門內有一木人縱四五  
鼠欲出門木人輒推木掩之門門如此鼠不得出

車 輪扇

鄴中記石虎有磨車置石磨於車上行十里  
輒磨十斛此車皆以朱彩為飾唯用將車一

人車行則衆巧並發車止則止西京雜記丁緩作七輪扇連以七輪大皆徑尺並相連續一人運之則滿堂

皆生寒

眩人

祕戲

張騫通大夏國得眩人眩與幻同周仁以謹厚不飾得預後

風馬

宮祕

增棘猴

草人

文苑彙雋燕王集巧士有人云能於棘刺之端造沐猴然王須

半年絕酒色方可見之王不能從

又曰

屠龍

厭

偃師周穆王時人縛草作人能為之走

虎

莊子宋汗漫學屠龍技於支離殫千金之產以學屠龍而無所用其巧西京雜記有東海黃公少時為

術能制龍御虎佩赤金刀以絳繒束髮立興雲霧坐成

山河及衰老羸憊不能復行其術秦末有白虎見於東

海黃公乃以赤刀往厭之

走索

戴竿

西京賦走索上而相逢注

術既不行遂為虎所殺

索上長繩繫兩頭於梁舉其中央兩人各從頭上交相

度所謂儻絙者也

明皇雜錄帝初御勤政樓張樂百

技羅列教坊女優王大娘善戴竿舞頭帶長竿施木山  
狀如瀛洲方丈命小兒持絳節立其上而舞中音節時  
劉晏以神童召見上令賦詩立進一絕曰樓前百戲競  
爭新只有長竿妙入神誰謂綺羅番有力猶自嫌輕更  
著人妃子甚喜置晏  
於膝上為傅脂粉

### 打球

蹴鞠

通鑑唐僖宗令陳敬瑄等四人擊球

賭三川敬瑄第一籌即以為西川節度使孔帖周寶與  
高駢皆隸右神策軍以善擊球俱補將軍通鑑蜀王衍  
常列錦步障擊球其中藝諸香晝夜不絕宋呂祖謙紫  
微雜記熙寧間神宗與二王禁中打球子上問二王欲  
賭何物徐王曰臣不別賭物若贏時只告罷了新法  
漢書注蹴鞠足蹴之也鞠以韋為之中實以物蹴鞠為  
樂也霍去病傳穿地蹋鞠注穿地作鞠以皮為之實以  
毛蹴鞠以為樂也孔帖薛嵩好蹴鞠隱士劉銅勸止之  
曰為樂甚衆何必乘危邀  
畧刻歡嵩悅圖其形座右

驚渥

鳥飛

西京賦注燕濯以盤水置



前踴身踰水却復坐如燕之浴也鄴中記立木槿長

二丈槿頭安木兩伎兒各坐木一頭或飛鳥或倒挂又

作猴獼

### 拔河

競渡

武平一景龍文館記四年清明中宗幸梨園命侍臣為拔河之

之形

戲以大麻絙兩頭繫十餘小索每索數人執之以挽六

弱為輸時七宰相二駙馬為東朋三相五將為西朋僕

射韋巨源少師唐休璟以年老隨絙而踣久不能起帝

以為笑樂

記纂淵海越人為競渡有輕薄少年為驚

沒之戲有至水底然後魚躍而出唐書杜亞為淮南節

度方春南民為競渡戲亞欲輕駛乃繫船底使篙人衣

油綠衣沒

### 蹀馬

舞輪

景龍文館記唐宴吐蕃使作蹀馬之戲遼史納后宴后族

水不濡

及羣臣百戲角觝戲馬較勝以為樂通典梁有高絙

伎蓋今之戲繩者也舞輪伎蓋今之戲車輪者也透三

峽伎蓋今之透飛梯者

### 擊甌

藏櫬

詞林海錯唐大中初郭道原善

也擲倒伎倒行而舞也

擊甌用越甌邢甌十二旋加減水以筋擊之其音妙於方響字景補楸於葉切藏楸即今踏桶戲也宋丁謂

為玉清昭應宮使夏竦為判官一日宴齋宮優人有雜手藏楸者謂曰古人無詠藏楸詩竦為一絕云舞袖挑珠復吐九遮藏巧便百千般主公端坐無由見却被旁人冷眼看蓋諷謂也

### 原指南車

卧褥爐

傅子曰馬先生釣天下之巧者也二子謂古無指南車記言之虛也先生曰古有之二子以白

明帝詔先生作之而指南作成西京雜記長安巧工丁緩作卧褥香爐一名被中香爐本出房風其法後絕至緩始更為之環轉四面而爐體常平可置之被褥故取被褥為名也

### 增造雲梯進

龍牀

王氏景苑公輸班造雲梯攻宋墨子縈帶守之公輸班九攻而墨子九却之不能入遂輟兵鴻書

唐穆宗時韓志和雕踏牀高數尺其上飾之以金銀絲繪謂之見龍牀置之則不見龍形踏之則鱗鬣爪牙俱

出始進上以足履之而龍夭  
矯若得雲雨心怖遂令撤去

雕鸞鶴

化魚龍

又曰韓志

和本倭國人善雕木作鸞鶴鵲之狀飲啄動靜與真  
無異以關戾置於腹中發之則凌雲奮飛可高百尺至  
二百步外方始却下篆刻木作猫兒以捕鼠雀飛龍使  
異其機巧遂以事奏上覽而悅之漢官職典天子臨  
德陽殿受朝賀作九賓樂舍利從西方來戲於殿前激  
水化成比目魚跳躍嗽水作霧翳日畢又化成黃龍八  
丈出水游戲炫耀日光又

傀儡戲

杯盤舞

黃庭堅涪翁雜

說傀儡戲木偶人也或曰當書魁壘蓋象古之魁壘之  
士彷彿其言行也王氏景苑傀儡子起漢祖平城之圍  
其城一面即冒頓妻閼氏兵強於三面陳平訪知閼氏  
妬忌造木偶美人運機關舞埤間閼氏望見謂是生人  
慮下城冒頓必納遂退軍後人因以為戲具劉禹錫嘉  
話杜司徒常言我致政之後必乘小駟入市看盤鈴傀

偏即足矣 記纂淵海符堅常得西域倒舞伎漢世有  
撞未技梁有長躡伎跳鈴伎擲倒伎跣劍伎又有梁竿  
伎獼猴緣竿伎漢世有盤舞者晉世加  
之以杯謂之杯盤舞梁謂之舞盤伎

### 原牛馬易頭

### 竹木為鵲

後漢西夷揮國獻幻人能吐火自支解易  
牛馬頭元會作之陳禪諫不可陳忠劾禪

云云 墨子公輸子削竹木為鵲成而飛之三日不下  
自以為至巧墨子謂曰子之為鵲也不如匠之為車轄  
也須臾豎三寸之木而任五十石之重  
故利於人謂之巧不利於人謂之拙

### 馳技弄劍

### 吞刀吐火

列子宋有蘭子以技干宋元君召見以雙技  
長倍其身屬其蹠並趨並馳弄七劍迭而躍

之立賜金帛  
下見雜技二

### 角抵之戲

### 截馬之術

角抵漢武帝  
始作兩相當

角力

### 執技論力

### 執技事上

凡執伎論力適四方贏  
股肱決射御 凡執技

以事上不貳事

尚技則興

藝成而下

曲藝皆警之注尚技而賤車服則民興藝

增高絙百尺

浮屠十層

記纂淵海後魏武帝增修雜戲造五兵角觝麒麟鳳

皇仙人長蛇巨象及諸異獸魚龍辟邪鹿馬仙車高絙百尺跳丸以備百戲拾遺記沐胥之國來朝有道術

人名尸羅云發其國五年乃至燕都善術感之術於其指端出浮屠十層高三尺乃諸天神仙巧麗特絕列幢

蓋鼓舞繞塔而行人皆長五六分歌唱之音如真人焉

畫地成川

漱水集雨

潛確類書江左有夏育扛鼎巨鼈行龜扑舞背負靈岳挂樹白雪畫地成川之戲又曰晉夏統會稽人至洛

上日賈充請作卿閣樂曹娥死國人作河女章伍胥戮作小海唱以足扣船引聲喉轉含水漱天雷雨響集衆

懼止之

木鳶窺宋

木仙指吳

鴻書六國時有公輸班為木鳶以窺宋城酉

陽雜俎魯班又名般怨吳人殺其父於肅州城南作一木仙人舉手指東南吳地大旱三年

匠氏

運斤公孫舞劍

莊子郢人堊漫其鼻端若蠅翼使匠石斲之匠氏運斤成風聽而斲之盡

聖而鼻不傷

記纂淵海老杜見臨穎李十二娘舞劍

器曰余公孫大娘弟子也開元三載余尚童稚記於郾

城觀公孫氏舞劍器渾

緣十丈竿

吐五色水

緣竿見後

脫瀏離頓挫獨出冠時

險竿詩宋孟元老東京夢華錄正月十五日大內前

御街兩廊下奇術異能鱗鱗相切擊九蹴踘踏索上竿

趙野人倒喫冷淘張九歌吞鐵劍小健兒吐五色水旋

澆泥丸子更有猴呈百戲魚跳刀門使喚蜂蝶追呼螻

蟻沙書地謎

烏獲扛鼎

都盧尋橦

西京賦注扛橫開對舉也潛

奇巧百端

確類書李奇云都盧國

名其人體輕善緣高竿

雜技四

增詩歌唐明皇傀儡吟曰刻木牽絲作老翁鷄皮鶴髮  
與真同須臾弄罷寂無事還似人生一夢中 又觀拔  
河俗戲詩曰壯徒恒賈勇拔拒抵長河欲練英雄志須  
明勝負多譟齊山岌業氣作水騰波預期年歲稔先此  
樂時和 張說奉和聖製觀拔河俗戲詩曰今歲好施  
鉤橫街敞御樓長繩繫日往貫索挽河流鬪力頻催鼓  
爭都更上籌春來百種戲天意在宜秋 又岳州觀競

渡詩曰畫作飛鳬艇雙雙競拂流炫裝山色變急棹水  
華浮土尚三閭俗江傳二女游齊歌迎孟姥獨舞送陽  
侯鼓發南湖差標爭西驛樓並驅恆詫速非畏日光適  
李適興慶池競渡詩曰拂霧金輿丹旆轉凌晨黼帳

碧池開南山倒影從雲落北澗搖光寫溜迴急槳爭標  
排行渡輕帆截浦觸荷來橫汾宴鎬歡無極歌舞年年  
聖壽杯 儲光義觀競渡詩曰大夫沈楚水千祀國人  
哀習棹江流長迎神雨霧開標隨綠雲動船逆清波來



下怖魚龍起上驚鳬鴈迴能令秋大有鼓吹遠相催

劉禹錫競渡歌曰鼓聲三下紅旗開兩龍躍出浮水來  
棹影幹波飛萬劒鼓聲劈浪鳴千雷鼓聲漸急標將近  
兩龍望標目如瞬波上人呼霹靂驚竿頭綵掛虹蜺暈  
前船搶水已得標後船失勢空揮撓瘡眉血首爭不定  
輸岸一朋心似燒 又競渡曲曰沅江五月平堤流邑  
人相將浮綵舟靈均何年歌已矣哀謠振楫從此起揚  
桴擊節雷闐闐亂流齊進聲轟然蛟龍得雨鬣動蟬

竦飲河形影聯刺史臨流展翠幃揭竿命爵分雄雌先  
鳴餘勇爭鼓舞未至銜枚顏色沮百勝本自有前期一  
飛由來無定所風俗如狂重此時縱觀雲委江之滑綵  
旗夾岸照蛟室羅襪凌波呈水嬉曲終人散空愁暮招  
屈亭前水東注 武平一觀打球應制詩曰令節重遨  
遊分鑣戲綵球驂驔迴上苑蹀躞繞通溝影就紅塵沒  
光隨赭汗流賞闌清景暮歌舞樂時休 沈佺期觀打  
球應制詩曰今春芳苑遊接武上瓊樓宛轉縈香騎飄

飄拂畫球俯身迎未落迴轡逐傍流祇為看花鳥時時  
誤失籌 張祐觀打球詩曰白馬頓紅纓捎球紫袖輕

曉冰蹄下裂寒瓦杖頭鳴又手膠粘去分髻線道緋自  
言無戰伐髀肉已曾生 蔡孚打球篇德陽宮北苑東  
頭雲作高臺月作樓金鎚玉瑩千金地寶杖琬文七寶  
球寶融一家三尚主梁冀頻封萬戶侯容色由來荷恩  
顧意氣平生事俠遊共道用兵如斷蔗俱能走馬入長  
楸紅鬣錦鬟風駭驥黃絡青絲電紫駟奔星亂下花場

裏初月飛來畫杖頭自有長鳴須決勝能馳迅足滿先  
籌薄暮漢宮愉樂罷還歸堯室曉垂旒 張建封打球

歌曰僕本修文持筆者今來帥領紅旗下不能無事習  
蛇矛閑就平場學使馬軍中伎癢驍智材競馳駿逸隨  
我來護軍對引相向去風呼月旋明光開俯身仰擊復  
傍擊難於古人左右射齊觀百步透短門誰羨養由遙  
破的 劉禹錫拋球樂詩曰五綵繡團團登君瑋瑁筵  
最宜紅燭下偏稱落花前上客如先起應須贈一船

楊巨源觀打球詩曰親埽球場如砥平龍驤驟馬曉光  
晴入門百拜瞻雄勢動地三軍唱好聲玉勒回時霑赤  
汗花駿分處拂紅纓欲令四海氛煙靜杖底纖塵不敢  
生 皇甫松拋球樂詩曰紅撥一聲飄輕球墜越綃帶  
翻金孔雀香滿繡蜂腰少少拋分數花枝正索饒 魚  
元機打球詩曰堅圓淨滑一星流月杖爭敲未擬休無  
滯礙時從撥弄有遮欄處任鉤留不辭宛轉長隨手却  
恐相將不到頭畢竟入門應始了願君爭取最前籌

花藥夫人宮詞曰自教宮娥學打球玉鞍初跨柳腰柔  
上棚知是官家認徧徧常贏第一籌 又曰小球場近  
曲池頭宣喚勲臣試打球先向畫樓排御幄管絃聲動  
立浮游 顧況陰竿歌曰宛陵女兒擘飛手長竿橫空  
上下走已能輕險若平地豈肯身為一家婦宛陵將士  
天下雄一下定却長梢弓翻身挂影恣騰蹋反綰頭髻  
盤旋風盤旋風撒飛鳥驚猿繞樹枝裏頭上打鼓不聞  
時手蹉脚跌蜘蛛絲忽雷掣斷流星尾矐睽劃破蚩尤

旗若不隨仙作仙女定應嫁賊生賊兒中丞方畧通變  
化外戶不局從女嫁 柳曾險竿行曰山險驚摧輶水  
險能覆舟奈何平地不肯立走上百尺高竿頭我不知  
爾是人耶復猱耶使我為爾長歎嗟我聞孝子不許國  
忠臣不愛家爾今輕命重黃金忠孝兩虧徒爾誇始以  
險技悅君目終以貪心媚君祿百尺高竿百度緣一足  
參差一家哭險竿兒聽我語更有險徒險於汝重於權  
者失君恩落向天涯海邊去險竿兒爾須知險塗欲往

爾可思上得不下得上我謂此輩險於險竿兒 劉

言史觀繩伎詩曰秦陵遺樂何最珍綵繩冉冉天仙人  
廣楊寒食風日好百夫伐鼓錦臂新銀畫青綃扶雲髮  
高處綺羅香更切重肩接立三四層著屐背行仍應節  
兩邊圓劒漸相迎側身交步何輕盈閃然欲落却收得  
萬人肉上寒毛生危機險勢無不有倒挂纖腰學垂柳  
下來一一芙蓉姿粉薄鈿稀態轉奇坐中還有沾巾者  
曾見先皇初教時 宋晏殊上竿伎詩曰百尺竿頭裊



裊身足騰跟倒駭旁人漢陰有叟君知否抱甕區區亦  
未貧 曹西士緣竿詩曰又被鑼聲送上竿這番難似  
舊時難勸君著脚須教穩多少旁人冷眼看 楊萬里  
觀競渡詩曰急鼓繁鉦動地呼碧琉璃上兩龍趨一聲  
翻倒馮夷國千載淒涼楚大夫銀碗錦標夸勝捷畫橈  
繡臂照江湖三年端午真虛過奇觀初逢慰道塗 又  
緣竿詩曰猛士緣竿亦壯哉踏空舞闊四徘徊一聲白  
雨催花鼓十二竿頭總下來 又角觝詩曰廣場妙戲

鬪程材纔得天顏一笑開  
角觝罷時還罷宴  
卷班出殿  
戴花回  
黃庭堅傀儡詩曰  
萬般盡被鬼神戲  
看取人間傀儡棚  
煩惱自無安脚處  
從他鼓笛弄浮生  
元圓  
至觀傀儡詩曰  
錦襠叢裏鬪腰支  
記得京城此夕時  
一曲太平錢罷舞  
六街人唱看燈詞

增賦唐王綬吞刀吐火賦曰  
原夫自天竺來時  
當西京暇日  
騁不測之神變  
有非常之妙術  
初呈握內豈吹毛  
之銳  
難親含腹指胸  
雖鑠石之威  
可出俄而精鋼充腹

熾烈交頤罔有剖心之患曾無爛額之疑寂影滅以光  
沈霜鋒盡處煙霞舒而血噴朱焰生時素刃分倏去於  
手紅光分遽騰其口始蔑爾以虹藏竟燿然而電走隱  
於笑語迴看而鞞鞞皆空出自咽喉旁取而榆檀何有  
莫不刻意斯効焦心已舒想剛腸之礪乃驚燥吻以焚  
如胡為引鏡之形銷於咀嚼安得燎原之色發自吹噓  
亦足以道冠幻人名傾術士食針既可以增愧喫酒亦  
宜乎讓美 楊宏貞棘猴賦曰昔燕王好奇術客嘗巧

剌棘刺之微物成沐猴而不撓毫末之細雕礱既施睢  
盱之狀委曲無遺實兮若虛的爾纔見霏微而草上沾  
露纂歷而條端集霰閃孤光而乍分拂輕靄而將眩觀  
夫至精惟一至小無朋不食而安終有殊於狙怒窮高  
是處亦何異於猱升蓋以神遇寧將目視因乎有用之  
質造彼無間之理伊竹間之猿父大小相殊相木杪之  
猢猻依憑酷似若乃微物類較能不貫蝨心者未諭其  
精微巢蚊睫者自然之妙有庸知造物之意暫假斯人

之手 金厚載都盧尋撞賦曰彼脩竿兮迴立天中有  
都盧兮身輕若風始發地以直上漸陵煙而轉崇敏捷  
無儔恣飛翻於白月孤高可尚任迴環於碧空初其委  
質負來當場獻藝耀百戲於君所仰千尋於天際干霄  
迴出將為悅目之娛舉步俄升自有翻雲之勢孤標上  
聳兆庶同嬉信超騰而自若罔危懼以疑思質勁挺以  
無倫人皆見也衣簾檐而不定風以動之挺影難儔乘  
危罔墜臨廣街以堪望騁趨材而自異拂雲端之縹緲

似欲升天跨撞木之欹危若有餘地徒觀其遠望蹁跹  
輕如列仙形翻碧落足動晴煙杳杳難分宛在朝天之  
外亭亭迴映全高衆木之顛其態可喜其功不測既穹  
崇以獨立每緣循而至極將以騁輕趨恣登陟傍臨既  
分乎遠近上達必資乎孤直仰而望也始似出於煙霄  
逼而察之有若生乎翅翼事契鴻漸情非教獮既翻身  
而自下漸託質而彌高迴匝花場見千夫而共憲閑臨  
紫陌瞰萬井以無逃故得衆目閑窺羣心是仰若丹梯

之已踐類仙橋之可上每所以恣攀援助觀賞誠哉平  
子之言先賢之勿罔 梁涉長竿賦曰伊酺醪之可觀

有格澤之修竿勢百常以莖擢文五彩而花攢獨步華  
場偏臨廣術當天階以影正對重樓而首岌岌兮高  
柱承天亭亭兮若木拂日有美人兮來從紫闥為都盧  
兮衣錦裝衣凝靚妝以如玉聳輕身兮若飛倏龍盤而  
婉轉逐花落而霏微朝雲乍興神女之初降曉月將落  
姮娥之未歸於是伐鼓雷響鳴金星合從正殿以獨步

巡廣場而未匝勢欲傾掉力將彈壓天地為之振動樓  
臺為之岌業臨人自正今有異從繩處險而安今匪同  
履冰豈有象於鴻漸終無教於猱升 王邕勤政樓花

竿賦曰當獻歲之令節御高樓而賜歡應和風奏以天  
樂耀長技出乎花竿挺其質以百尋續其文以五色將  
烜赫以誇衆候鏗鏘而取則高居乃在乎帝庭發跡乃  
因乎人力於是玉顏直上金管相催顧影而忽升河漢  
低首而下指樓臺整花鈿以容與轉羅袖以徘徊晴空



乍臨若虛仙之踴出片雲時映儼神女之飛來矧夫曲  
終示危乘危中矩八方勞觀億計如堵載之者強項超  
羣登之者纖腰迴舞猶盡巧於繁節且獻能於聖主廣  
場合勢則衽舉成帷衆技驚心則汗流漂雨透撞童

兒賦

撰人  
名闕

雲竿百尺繩直規圓傳傳就日亭亭柱天鬼

魅不敢傍其影鸛鷺不敢翔其顛此兒於是跂雙足戢  
兩臂躡身而直上若有其翅盡竿而平立若餘其地倒  
輕軀墜高竿如更羸之鴈下空裏似蒲且之鷁落雲間

掩都盧其若無顧驚戲而足哂屹然中駐餘勇不盡

胡嘉隱繩技賦曰結繩既舉彝倫攸序杳若天險之難  
升忽爾投足而復阻來有匹去無侶空中玉步望雲髻  
之峨峨日下風趨見羅衣之楚楚足容捷貌容恭烏斯  
企雲相從眈眈兮映朱樓之花萼煥爛兮開甲帳之芙  
蓉橫竿却步疊卵相重續人不能窺其影謀士不能指  
其蹤既如阿閣之舞鳳又如天泉之躍龍徘徊反覆交  
觀奪目擁金騎屯繡轂高詞論者族談多才藝者心服

既得擅場其能未央應鼓或躍投繩或翔婉孌兮弄玉  
之隨蕭史跼躅兮仙妻之別劉綱凌波不足矜其術行  
雨未可比其方 張楚金樓下觀繩伎賦曰廼有殊伎  
特異呈材累至動不勤物用非假器觀夫立象蓋取諸意本  
自宮中之傳名爲索上之戲掖庭美女和歡麗人身輕  
體弱絕代殊倫被羅縠與珠翠鋪瓊筵與錦茵其綵練  
也橫亘百尺高懸數丈下曲如鉤中平似掌初綽約而  
斜進竟盤姍而直上或徐或疾乍俯乍仰近而察之若

春林含耀吐陽葩遠而望之若晴空迴照散流霞其格  
妙也窈窕相遇踟躕却步寄兩木以更攝有雙童而並  
驚還迴不恒踴躍無數驚駭疑落安然以住雖保身於  
萬鍾恃君恩於一顧薛勝拔河賦曰伊有司兮畫爾  
于麻宵爾于紉成巨索兮高輪囷大合拱兮長千尺爾  
其東西之首也派別脈分以挂人胸腋各引而向以牽  
乎強敵載立長旌居中作程苟過差於所誌知勝負之  
攸平於是勇士畢登囂聲振騰大魁離立麾之以肱初

拘怒而彊項卒畏威而伏膺皆陳力而就列同拔茅之  
相仍鬪甚城危急逾國蹙履陷地而滅趾汗流珠而可  
掬顏若渥丹體如癭木可以揮落日而橫天閭觸不周  
而動地軸孰云遇敵遷延相持蓄縮而已左兮莫往右  
兮莫來秦皇鞭石而東向屹不可推巨靈蹋山而西峙  
嶷乎難摧繩繩瀑仆而將斷猶匍匐而不迴大夫以上傳  
貽而忘食將軍以下虓闕而成雷千人抃萬人咷呀奔  
走坐塵埃超拔山兮力不竭信大國之壯觀哉 范慥

競渡賦曰爾其月維仲夏節次端午則大魁分曹決勝  
河許飾畫舸以爭麗建綵標而競取選孟賁烏獲以用  
壯酹川后天吳以潛輔外希得雋之稱內約疇庸之伍  
降簪裾以列筵擁士庶兮如堵於是鷁首齊向飄然羽  
輕引長絙以觀整羅小艇以持平遠岝天濶澄流鏡清  
援枹者氣作於一鼓理棹者伎癢於先鳴鳴輦吹竽上  
聒天衢如伏波整旅合水獸於江湖建旗列卒俯映泉  
室若五利將軍訪仙師於溟渤擗美奇以潛駭恒游泳

而下逸羣聲合譟羣手齊力舳艫惟正審流鏑之向齊  
檣棹翻然亂驚鳧之揮翼投勁竹以交擁各庶幾於獨  
尅向背適中勝負攸分一喻馬之旋濤一如龍之曳雲  
始差池而接影忽夤絕以殊羣會不移晷倏然戾止去  
孤標於部黨爭距躍而赴水有麾竿以贊獲或振綵以  
揚美中程者雖多欲於上人後時者猶未甘於勝已懲  
既往之敗績佇將來以雪恥由是勵能激憤赴漲而迴  
其逐進也速飛電之經目其引退也緩孤鶻之應媒彼

狃淺以生怠此方殷而有猜仰興慕於三節爰息徒而  
覆來論始作之功雖掉鞅而偏擅稽未事之效乃發梁  
兮備該然後弭舟楫宴沙塲叶同黨之誠願錫上官之  
寵光徵因敵之財以頒賞合如澠之酒以飛觴水府澹  
以澄靜人羣歡而樂康 仲無頗氣球賦曰氣之為球  
合而成質俾騰躍而攸利在吹噓而取實盡心規矩初  
因方以致圓假手彌縫終使滿而不溢時也廣場春霽  
寒食景妍交爭競逐馳突喧闐或畧地以丸走乍臨空



以月圓百轉之功混成之會雖無侶而是足諒有皮之  
足貴傳毛非取奚資蔚矣之文實腹可嘉具養浩然之  
氣觀夫渾兮無象塊若有形方勞擊觸曾匪遑寧其升  
木也許子之瓢始挂其墜地也魏王之瓠斯零懼欲擠  
於溝壑將不出於戶庭智不待乎局鎖妙乃存乎苞裹  
堅彊斯致雖吐納之在君蘊蓄為功信盈虛而自我勿  
懷棄擲委質操持舍之則藏豈凝滯之興諠蘇而復上  
猶輕舉之可思彼跳丸與蹴鞠又何足以加之 林滋

木人賦曰何伊人兮異常爰委質以來王想具體之初  
既因於乃雕乃斲及抱材而至孰知其為棟為梁原夫  
始自攻堅終資假手雖克已於小巧之下乃成人於大  
樸之後來同辟地舉趾而根抵則無動必從繩結舌而  
語言何有心游刃兮在茲鼻運斤兮罔遺兀若得木君  
之狀塊然非土偶之姿曲直不差既無蠹於今日短長  
合度寧自伐於當時莫不脫枯槁以負來投膠漆而是  
進低回而氣岸方肅佇立而衣裾屢振穠華不改對桃

李而自逞芳顏朽質莫侵指蒲柳而詎驚衰鬢既手舞而足蹈必左旋而右抽藏機關以中動假丹粉以外周生本林間苟有參乎之美立當君所何慙柴也之儔是則貫彼五行超諸百戲誤穿節以瞪目疑聳幹於奮臂如令居杞梓之上則樹德非難若使赴湯火之前則焚軀孔易進退合宜依然在斯既無喪無得亦不識不知跡異草萊其言也無莠情同木訥其行也有枝可謂暗合生成潛因習熟雖則挫身於斤斧曷若守株於林麓

宜乎削爾肩剗爾腹既有亂於真宰寧取笑於周穆

敬括內人馬伎賦曰旁分美人下徹金奏玉勒齊習琯  
弓並鼓鴻騫龍翥却獲略以驍騰左旋右抽突絢練而  
馳鬪沛艾多狀踰躐不歇香汗與桂條爭薰麗色比桃  
花競發應繁鼓以頓挫歷層臺而超越何登降之趨悍  
乍迴旋以抑揚寶釵耀目羅衣沐香乍倏忽以變態亦  
終焉而允臧 李濯內人馬伎賦曰時也嚴霜剪木晴  
空滅雲都人士女雜沓繽紛或側肩以馳見或奔躍以

樂間衆觀迭改羣心如待於是渥洼神驥齊逸足以翩  
翩宮禁名姝耀雜妝之彩彩莫不游纓寶校玉珂金玦  
挾刃明霜衣金被鐵褰旗命伍抽戈按節侔三邊之挑  
戰壯六軍之校閱翹趾金鞍之上電去而都開委身玉  
鐙之旁風驚而詭譎人矜綽約之號馬走流離之血始  
爭鋒於校場遽寫控於金埒

御定淵鑑類函卷三百三十一